



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2013. GODINU
BOSANSKOHERCEGOVAČKE PATRIOTSKE STRANKE – SEFER HALILOVIĆ

Broj: 03-07-6-328/14
Sarajevo, 23. jula 2015. godine

SADRŽAJ

MIŠLJENJE REVIZORA	3
1.UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	6
5.1. NALAZI REVIZIJE.....	6
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanskohercegovačke patriotske stranke – Sefer Halilović za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost koja bi se dobila izvršenom revizijom u prostorijama stranke.

Na osnovu obavljenog pregleda godišnjeg finansijskog izvještaja za 2013. godinu, utvrđeno je da je Bosanskohercegovačka patriotska stranka – Sefer Halilović prekršila odredbe člana 5. stav (4), člana 11. i člana 12. stav (1) Zakona o finansiranju političkih stranaka.

Pregledom, odnosno kontrolom finansijskog izvještaja, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bosanskohercegovačke patriotske stranke – Sefer Halilović za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Bosanskohercegovačka patriotska stranka – Sefer Halilović se finansirala iz sljedećih izvora¹:

Red. br.	Vrsta prihoda	Iznos u KM	Učešće u uk. prih. %
1	Članarina	8.965,21	3,65 %
2	Prilozi fizičkih lica (3-a)	2.030,00	0,83 %
3	Prilozi pravnih lica (3-b)	3.000,00	1,22 %
4	Prihodi od imovine (3-c)	0,00	0,00 %
5	Prihodi od pr.lica (3-d)	0,00	0,00 %
6	Prihodi od poklona (3-e)	5.119,20	2,08 %
7	Prihodi iz budžeta (3-f)	226.718,42	92,22 %
8	Prihodi od propag. (3-g)	0,00	0,00 %
9	Ostali prihodi	18,67	0,01 %
I	Ukupni prihodi	245.851,50	100,00 %
II	Kreditno zaduženje kod banaka	0,00	0,00 %
	Izvori finansiranja (I+II)	245.851,50	100,00 %

U poslovnim knjigama Bosanskohercegovačka patriotska stranka – Sefer Halilović je iskazala ukupne rashode u iznosu od 212.222,42 KM².

2. PREDSTAVLJANJE POLITIČKE STRANKE

Naziv političke stranke je Bosanskohercegovačka patriotska stranka – Sefer Halilović. Skraćeni naziv stranke je BPS – Sefer Halilović.

Bosanskohercegovačka patriotska stranka – Sefer Halilović je, Rješenjem broj: 065-O-Reg-06-001437 od 28.06.2006. godine upisana u registar političkih organizacija kod Kantonalnog suda u Sarajevu, sa sjedištem u Sarajevu, ulica Titova broj 9.

¹ Podaci su preuzeti iz ispravljenog Godišnjeg finansijskog izvještaja za 2013. godinu, koji je politička stranka Centralnoj izbornoj komosoji BiH dostavila 13.07.2015. godine, odnosno nakon izdatog Preliminarnog izvještaja o pregledu godišnjeg finansijskog izvještaja za 2013. godinu Bosanskohercegovačke patriotske stranke – Sefer Halilović.

² Podaci su preuzeti iz ispravljenog Godišnjeg finansijskog izvještaja za 2013. godinu.

U godišnjem finansijskom izvještaju za 2013. godinu koji je Bosanskohercegovačka patriotska stranka – Sefer Halilović podnijela 31.03.2014. godine, kao adresa političke stranke navedena je ulica Ćemaluša broj 6/II Sarajevo.

Lice ovlašteno za zastupanje političke stranke je Sefer Halilović, predsjednik stranke.

Lice ovlašteno za podnošenje finansijskih izvještaja za 2013. godinu je Nalvedina Dedagić-Čengić.

Prema podacima iz godišnjeg finansijskog izvještaja za 2013. godinu, organizacionu strukturu Bosanskohercegovačke patriotske stranke – Sefer Halilović čine:

- Centrala BPS - Sefer Halilović,
- Regionalni odbor BPS - Sefer Halilović Sarajevsko-goraždanska regija sa 12 općinskih odbora,
- Regionalni odbor BPS - Sefer Halilović Regija Sjeveroistočna Bosna sa 18 općinskih odbora,
- Regionalni odbor BPS - Sefer Halilović Zeničko-dobojska regija sa 12 općinskih odbora,
- Regionalni odbor BPS - Sefer Halilović Hercegovačka regija sa 6 općinskih odbora,
- Regionalni odbor BPS - Sefer Halilović Unsko - sanska regija sa 8 općinskih odbora i
- Regionalni odbor BPS - Sefer Halilović Srednjobosanska regija sa 11 općinska odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski Bosanskohercegovačke patriotske stranke – Sefer Halilović za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Bosanskohercegovačke patriotske stranke – Sefer Halilović obuhvata kontrolu i provođenje analitičkih procedura radi utvrđivanja usklađenosti podataka, koje je stranka iskazala u finansijskom izvještaju, sa odredbama Zakona o finansiranju političkih stranaka, sa posebnim naglaskom na priloge fizičkih i pravnih lica i prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled i reviziju godišnjih finansijskih izvještaja Bosanskohercegovačke patriotske stranke – Sefer Halilović u periodu od 2006. do 2012. godine, nakon čega su izdati izvještaji o reviziji sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2012. godinu, izdat je izvještaj o pregledu sa mišljenjem revizora, nalazima revizije i preporukama stranci: da se ne finansira iz izvora koji su političkim strankama zabranjeni Zakonom o finansiranju političkih stranaka, da uspostavi potpune evidencije o rashodima, da finansijske izvještaje Centralnoj izbornoj komisiji

BiH podnosi u formi propisanoj Pravilnikom o godišnjim finansijskim izvještajima političkih stranaka i da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da je politička stranka date preporuke revizije ispoštovala djelimično.

5. NALAZI I PREPORUKE REVIZIJE

5.1. NALAZI REVIZIJE

a) Politička stranka nije ispoštovala odredbe člana 5. stav (4) Zakona o finansiranju političkih stranaka.

Bosanskohercegovačka patriotska stranka – Sefer Halilović nije uplatila na transakcijski račun članarinu u iznosu od 1.242,00 KM³. Uvidom u evidencije iz poslovnih knjiga i izvode sa transakcijskih računa, utvrđeno je da je politička stranka ostvarila prihod od članarine u iznosu od 8.965,21 KM. Od pomenutog iznosa na transakcijske račune glavnog odbora stranke uplaćeno je 7.723,21 KM.

b) Bosanskohercegovačka patriotska stranka – Sefer Halilović je prekršila odredbe člana 11. i člana 12. stav (1) Zakona o finansiranju političkih stranaka.

Politička stranka u poslovnim knjigama nije uspostavila evidencije o nenovčanim donacijama koje su ostvarila njena četiri organizaciona, na način što su koristili poslovne prostorije bez plaćanja zakupnine, čime je prekršila odredbe člana 11. i člana 12. stav (1) Zakona o finansiranju političkih stranaka⁴.

Osim evidencija o nenovčanim donacijama, u poslovnim knjigama nisu uspostavljene evidencije ni o troškovima zakupnine tih organizacionih dijelova stranke.

U ispravljenom finansijskom izvještaju, koji je Centralnoj izbornoj komisiji BiH dostavljen nakon preliminarnog revizijskog izvještaja, a u kome je navedeno da nisu prijavljene donacije kod četiri organizaciona dijela stranke, Bosanskohercegovačka patriotska stranka – Sefer Halilović je prijavila nenovčane donacije u iznosu od 5.119,20 KM. U istom iznosu politička stranka je prijavile i troškove zakupnine, iako nema uspostavljene evidencije u poslovnim knjigama, u skladu sa računovodstvenim propisima.

- U poslovnim knjigama politička stranka nije iskazala dio prihoda, u iznosu od 3.944,96 KM, koji je ostvarila iz budžeta Općine Gračanica.

Na zahtjev Centralne izborne komisije BiH, Općina Gračanica je dostavila akt, broj: 05-14-03453-2014 od 16. oktobra 2014. godine, u kome navodi da je osam tranši, u iznosima po 365,62 KM i jedna tranša u iznosu od 1.020,00 KM, uplaćeno

³ U skladu sa odredbama člana 5. stav (4) Zakona o finansiranju političkih stranaka, ovlašteno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

⁴ U skladu sa odredbom člana 11. Zakona o finansiranju političkih stranaka politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom, odnosno u skladu sa računovodstvenim propisima. U skladu sa odredbom člana 12. stav (1) Zakona stranka je obavezna voditi evidencije o svojim prihodima i rashodima.

Bosanskohercegovačkoj patriotskoj stranci – Sefer Halilović, na transakcijski račun broj: 1540010000001910.

U svom aktu, broj: 32-04/2015 od 12.07.2015. godine, Bosanskohercegovačka patriotska stranka – Sefer Halilović navodi da je pomenuti transakcijski račun privatni račun vijećnika, a ne transakcijski račun političke stranke.

c) Bez kvalifikovanja revizijskog mišljenja, ističemo visok procenat gotovinskog plaćanja troškova, putem blagajne političke stranke.

U poslovnim knjigama i finansijskom izvještaju politička stranka je iskazala promet gotovine, putem blagajne, u iznosu od 112.334,88 KM.

Troškove u 2013. godini koji su, prema podacima iz poslovnih knjiga, iznosili 207.253,72 KM, stranka je u procentu od 54,20% platila gotovinski.

5.2. PREPORUKE

Preporučuje se Bosanskohercegovačkoj patriotskoj stranci – Sefer Halilović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da ovlašteno lice u političkoj stranci, ukoliko članarinu primi u gotovini, ukupan iznos članarine uplaćuje neposredno na transakcijski račun političke stranke, u roku od 10 dana,*
- *da u skladu sa računovodstvenim propisima, u poslovnim knjigama uspostavi potpune evidencije o prihodima i rashodima i*
- *da poveća obim bezgotovinskih plaćanja, putem transakcijskog računa, a smanji gotovinske isplate putem blagajne.*

Komentar

Bosanskohercegovačka patriotska stranka – Sefer Halilović je aktom, broj: 32-04/2015 od 12.07.2015. godine odgovorila na Preliminarni izvještaj o pregledu godišnjeg finansijskog izvještaja za 2013. godinu i izvršila ispravke finansijskog izvještaja koje je dostavila u prilogu pomenutog akta, čime je djelimično otklonila nedostatke u finansijskom izvještavanju.

Šef Odsjeka za revizijske poslove

Sanja Tošović

Šef Službe za reviziju, revizor

Mr. sc. Hasida Gušić